

港東港西

陳維安監誓 專業K.O.蠻行



▲秘書長陳維安監誓前已經做足功課，好專業，真係要畀個「K.O.」佢



▲反對派「整色整水」，監誓嘅立法會秘書長陳維安依然秉公處理監督程序

反對派議員喺立法會宣誓儀式上演咗場大龍鳳，出盡法寶咁嘅誓詞前中後加鹽加醋。之但係雖然反對派「整色整水」，監督嘅立法會秘書長陳維安依然秉公處理監督程序。不過，反對派仲死口話係誓詞入面加辱華字眼同粗口無問題，因為係口音，反屈陳維安無權宣布宣誓無效！鄭晴就想講句「唔該」反對派返去搞清楚先啦，秘書長只係話自己「無權監督」，無講過宣布宣誓「無效」嘅，就連前立法會主席曾鈺成都讚秘書長做法恰當，絕對無所謂越權。

曾鈺成同陳維安共事多年，陳係點嘅人最清楚不過啦。但尋日出席活動時就引梁國雄之前案例話，按法院裁決如果議員無按規例宣誓，秘書長可以話無權為個位議員監誓

「你睇陳維安的確係咁做嘅，只係宣布無權監督，而唔係『裁定』宣誓無效」，唔覺得陳維安處理手法有問題。曾鈺成又話，宣誓係咁有效應該等主席產生之後裁定，不過如果「尊貴」議員拒絕完成程序，就會喪失議員資格，需要再依法例進行補選。

鄭晴前日就係現場，見到陳維安對住啲玩嘅議員依然面不改色，用專業嘅態度對住啲不專業蠻行，仲好體貼咁阻止讀足12分鐘誓詞劉小麗係誓詞後面「加料」，等佢勉強過到骨做到「尊貴」嘅議員。其實，秘書長陳維安監督前已經做足功課，開會前向議員發信，講到明如果不按法律規定宣誓，但無權為佢哋監督，議員亦無得參與會議或表決，唔知係咪反對派隻耳仔同對眼都有問題，當秘書長講嘢透明啫！

「興哥牌道具」盼入博物館

喺立法會選舉以23萬多票高票惜敗嘅工聯會王國興，不但有因為競逐連任失敗而感到意興闌珊，反而搵埋同樣落選嘅工聯會成員鄧家彪成立「23萬監察」，繼續監察政府施政同埋立法會議員嘅表現。興哥緣盡立法會，陪佢亮相多年嘅各式各樣道具亦已完成歷史任務，但就好希望啲道具可以保存喺歷史博物館。興哥仲話，自己聯絡緊康文署，申請將香港嘅議會文化列為本港非物質文化遺產。

興哥喺12年嘅立法會議員生涯入面製作過唔少道具，包括要求剪布嘅「金鉸剪」、爭取取消強積金對沖嘅豬仔錢罌，仲有控訴龔位難求嘅紙紮骨灰龕等，每一件道具背後都係一個議會故事。興哥話，自己至少都整咗過百件道具，全部都見證過立法會辯論同香港歷史變化，希望歷史博物館可以收容佢哋，「如果送晒佢哋去堆填區就好可惜喇。」

興哥仲話，自己喺上個月中已經



▲興哥好希望過百件道具可以保存喺歷史博物館 資料圖片

去信康文署非物質文化遺產諮詢委員會，申請將香港議會文化列為本港非物質文化遺產，康文署暫時都仲考慮緊。但又同鄭晴講，話自己希望申請「非遗」一事能夠盡快有結果，至於有冇信心能夠申請成功，但就希望傳媒可以發吓聲，或者機會會大啲。



▲興哥牌對抗「拉布」「金鉸剪」，市民一定印象深刻 資料圖片

盧偉國任經民聯主席

一人難兼兩主席？成功當選新一屆立法會主席嘅梁君彥，尋日辭去擔任咗四年嘅經民聯主席一職，由副主席、工程界立法會議員盧偉國（右圖）接棒，但自己就同發叔（劉皇發）一齊做榮譽主席。而副主席嘅空缺就由現任鄉議局主席發仔（劉業強）填補，同林健鋒、張華峰及梁美芬齊名。另外，梁美芬仲兼任理地區事務委員會主席。地產及建造界議員石禮謙就擔任秘書長。



所謂「一心難以二用」，過去政界中人好少會同時擔任兩個組織嘅核心人物，就好似之前民建聯李慧琼升任主席，都主動辭去行會嘅職務。做今屆立法會主席更加唔使講，立會第一日班反對派就搞咗場「大龍鳳」，鄭晴真心覺得，如果唔係全力以赴，根本應付唔到，而呢個時候最緊要係穩住大局，唔可以再畀香港亂落去。

港人代參觀西昌衛星發射中心

國家嘅航天科技發展真係日新月異，神舟十一號載人飛船下星期一就會喺酒泉發射升空喇。大家都知道，國家有四個衛星發射基地，除咗酒泉之外，仲有西昌、太原同文昌。而家係四川視察緊嘅港區全國人大代表團，尋日就參觀咗西昌衛星發射中心，一睹發射架同火箭實體嘅真容。呢個地處四川大涼山峽谷嘅衛星發射中心緯度低、海拔高、雲霧少，好適合航天發射。但嘅歷史亦一啲都唔簡單，1986年國家第一粒通信廣播衛星「東方紅二號」就係喺度成功發射，之後又肩



▲港區全國人大代表四川視察團參觀西昌衛星發射中心

負探月工程嫦娥一、二、三號，同埋北斗導航衛星嘅發射任務，唔少國外嘅商業衛星都喺度發射過。有大大代表同鄭晴分享，國家嘅航天

科技一日千里，真係好值得香港嘅學生深入了解，培養佢哋對科技嘅興趣同埋創新嘅思維，有朝一日可以為香港同國家嘅發展作出貢獻。

UberEATS登陸香港 不設最低消費

【大公報訊】記者謝進亨報道：Uber旗下的「UberEATS」外賣服務手機應用程式，即日起以「燒錢」方式進軍香港。用戶可於朝10晚10時段內，在250多間餐廳預訂食物，並等待UberEATS自僱送餐員在一小時內送抵食物。UberEATS首階段服務將不設最低消費金額，及免收送餐服務費，範圍暫覆蓋港島中西區，預計未來數月擴展至九龍新界區。

香港是繼新加坡和東京後，第三個提供UberEATS的亞洲城市。服務初期，送餐範圍僅限制在灣仔、金鐘、中環、半山、堅尼地城等港島地區，而首批合作餐廳包括The Chop House、Jinjuu、來佬餐館及公利真料竹蔗水等，當中逾兩成餐廳首次推出外賣服務。

UberEATS香港總經理林灝哲昨日表示，顧客透過手機應用程式落單後，餐廳確認訂單及製作食物後，將交由自僱加入UberEATS的送餐員，以電單車與步行方式送餐。其間，程式會顯示預計抵達時間，以及追蹤送餐員位置等。至於付款流程則與Uber類近，在食物送抵後才會扣款。

本港現已有「foodpanda」、「Deliveroo」等外賣服務程式，以Deliveroo為例，外賣最低消費因應不同餐廳而有所不同，但基本以120元為下限，並每單收取20元送餐服務費。

UberEATS為求打入市場，將不設最低消費金額，而且免收送餐服務費。林灝哲表示，「用戶預訂幾十蚊一個叉雞飯，甚至一杯飲品，通通都照送（外賣）」，在過去兩星期的內部測試中，以午膳時段的訂單量最為龐大。他相信外賣服務能助合作餐廳毋須額外資金下，吸納更多客源，增加收入。

►「UberEATS」用戶可於朝10晚10時段內，在250多間餐廳預訂食物
大公報記者謝進亨攝



▼「UberEATS」服務初期，送餐範圍僅限制在灣仔、金鐘、中環、半山、堅尼地城等港島地區



手工啤酒節下月中環舉行

【大公報訊】記者謝進亨報道：手工啤酒近年在本港大行其道，全港最大型手工啤酒節Beertopia將於下月18日，一連兩日於中環海濱活動空間舉行。本地多間釀酒廠今年推出65款極具本地特色的手工啤酒，數目冠絕歷屆外。Beertopia始創人蘇城邦稱，本地手工啤酒文化越趨成熟，預計今屆入場人次勢超越去年1.3萬人次。

65款本地特色啤酒

第五屆手工啤酒節Beertopia雲集逾百間來自世界各地的釀酒廠，手工啤酒達500多款，當中65款來自14間本地釀酒廠的手工啤酒，更不乏本地特色元素，例如以鹹檸釀製的「鹹檸啤」，靈感來自鹹檸七，滿載茶餐廳風味；「港女啤」、「港男啤」則分別加入花椒八角，以及紅棗桂圓製作，而「Oh, Bacon！」煙肉味手工啤酒，則具獨特煙熏滋味。

今年啤酒節更劃分為五個主題區，其中地道香港



▲◀手工啤酒節Beertopia將於下月於中環海濱活動空間舉行。圖為鹹檸釀製的「鹹檸啤」，充滿港式茶餐廳風味

區內，售賣多款本地小食如炒栗子、雞蛋仔等用以佐酒。另外則有水煙花園、樂在日本主題區、熱帶雨林區及歐式啤酒花園區。

Beertopia門票即日起於網上公开发售，票價按時段收費，介乎235至495元，內含一杯手工啤酒或10個代幣。遊客另可兌換代幣，選購啤酒及食品。

灣仔築地無牌試業遭檢控

【大公報訊】記者謝進亨報道：有「香港築地」之稱的「築地·山貴水產市場」於前日起正式試業，吸引不少市民慕名而至，惟食環署表示，日前已派員巡查，發現該處未領有普通食肆牌照，並已提出檢控。

「灣仔築地」由日本築地市場內的批發商「山治集團」經營，選址灣仔碼頭二樓全層，佔地1.1萬平方

呎，最多可容納400人。食客可邊欣賞維港景色，邊品嚐新鮮日本海產。

食環署發言人表示，今年四月接獲該址的普通食肆牌照申請，現正按程序處理中，昨派員巡查灣仔碼頭時，發現該店舖涉及無牌經營食物。署方未闡明是市場內所有食肆抑或個別店舖未領牌，但表示已向有關負責人提出檢控。